




FRAN
CISCVS

Episcopus

*Servus Servorum Dei
ad perpetuam rei memoriam.*

✠ *Animas vestras castificantes
in obœdientia veritatis ad frater-
nitatis amorem non fictum, ex cor-
de invicem diligite attentius, rena-
ti non ex semine corruptibili, sed
in corruptibili per verbum Dei vi-
vum et permānens ~ 1^a Pe 1, 22 -
23 -. Summa fidelitate ac benigni-
tate iter a beato Petro apostolo
demonstratum beatus Cyrillus*

Elias a Sancta Familia Chavara transiit, qui sub lumen divinae revelationis iugiter incessit, panem Evangelii omnibus dispertiens ac caritatis Christi erga pauperes iuvenesque et puellas Indiae perhibens testimonium, quos amare Deum, inservire Ecclesiae ac mundo Evangelium nuntiare opere verboque docuit. Die X mensis Februarii anno MDCCCV in urbe vulgo Kainakary intra fines Keralaë in India e piis parentibus Cyriaco et Maria natus est et insequenti die XVIII in Ecclesia parochiali loci vulgo Chennamkary, Cyriaci sumpto nomine, ad baptismalem fontem regeneratus. Paucis mensibus intermissis, mater eum in sanctuario Deiparae in urbe vulgo Vechoor Beatae Mariae Virgini vovit. Inde ab infantia pietate et devotione erga Sanctam Familiam informatus crevit, parentum vitam consecrans

exemplarem. Aliquibus post annis institutionis apud nativam paroeciam receptae Seminarium Pallipuramense ingressus est et die XXX mensis Novembris anno MDCCCXXX presbyteratu actus. Die XI mensis Maii anno MDCCCXXXI una cum Reverendis Patribus Thoma Palackal et Thoma Porukara in urbe vulgo Mannanam domui aedificandae illi initium dedit, quae postea primitias religiosi pro christifidelibus Ecclesiae in India Instituti hospitio excepit, hodie Congregationis Fratrum Carmelitarum Beatae Mariae Virginis Immaculatae nomine nuncupati. Die VIII mensis Decembris anno MDCCCLV, in sollemnitate Immaculatae Conceptionis Beatae Mariae Virginis, Reverendus Pater Chavara vota religiosa sollemnia professus est, Cyriaci Eliae a Sancta Familia sumens nomen, et primi novae communitatis Superioris

munus accepit, quo adusque diem supremum functus est. Per operam Congregationis suae multum ad spiritualem et sociale renovationem Ecclesiae in Keralā attulit: Seminaria enim exstruxit et domus pro recessibus spiritualibus perficiendis, librariam editricem pro doctrina catholica et civili informatione diffundenda fundavit, derelictis moribundisque vacavit et in catechumenis instituendis summo opere enixus est. Strenuo animi ardore in religiosis sacerdotibusque et christifidelibus laicis erudiendis viribus nihil pepercit, ut primas partes agerent in spiritali instauratione Ecclesiae et societatis in India. Mense Februario anno MDCCCLXVI una cum aliis in urbe vulgo Koonammavu Tertium Ordinem Carmelitarum Discalceatorum instituit, mulieribus Indicis sic ad vitam consecratam accedendi praebens facultatem.

Reverendus Pater Cyriacus etiam officium exercuit Vicarii Generalis Ecclesiae ritus syro-malabarensis, cuius unitati reconciliandae maxime cavit, sententiam quodammodo in seipso recapitulans illam: ~ sanctificatio sui ipsius et proximi ~ salus ~. Praecursor quoque fuit institutionis informationisque praelo datae tradendae eximius. In tam variis etiam et multiugis navitatibus Beatus tempus invenit, quo in litteris elaboraret, eiusque fuit consilium libros liturgicos ritus syro-malabarensis in codicem colligendi, orationes scilicet canonicas sacerdotibus pronuntiandas, necnon calendarium apparandi una et rubricas, sub voce Thukhasa in lingua Syriaca nuncupatas, atque orationes pro defunctis. Monitiones eius ad familias christianas, quae sub titulo ~ Testamenti amantissimi patris ~ seu vulgo nempe ad sonitum rustici idiomatis

Oru & Nalla Appante Chavarul eno-
tantur, tamquam enchiridion familia-
rum adhuc emicat praestantissimum.
Oratio, taciturnitas, umbratilis conversa-
tio austeritasque vitae, Verbi Dei audi-
tione et Eucharistiae celebratione admo-
dum suffultae, Reverendum Patrem Cha-
vara verum contemplativum fecerunt si-
mulque in fratrum sublevandas aerumnas
et in necessitates spiritus et corporis susci-
piendas iugiter promptum, ut revera ipse
voce vulgo Karmayogi seu vir divinam
contemplationem et servitium proximi
congerens posset vocari. Ad metam ae-
vi sui perventus, sodalibus ita prodidit:
~[...]~ tempus meum consummavi. Et cum
Sanctae Familiae intercessione semper
gavisus essem, gratiam per baptismum
receptam numquam amisi. Sanctae Fa-
miliae ergo parvam nostram Congrega-
tionem et unumquemque vestrum addico.

Quae vero in cordibus vestris regnet ~.
Sacramento infirmorum accepto, die III men-
sis Ianuarii anno MDCCCLXXI, in Do-
mino quievit et in civitate Koonammau
corpus eius sepultum est. Exuviae dein-
de in civitatem vulgo Mannanam an-
no MDCCCLXXXIX translatae sunt et
intra moenia ecclesiae Sancti Ioseph a-
pud Domum Principem Congregatio-
nis tumulatae. Ob continuatam famam
sanctitatis et signorum Excellentissimus
Dominus Matthaeus Kavukatt, Ar-
chiepiscopus Metropolita Changana-
cherrensis, anno MCMLVII Commissionem
historicam constituit et insequenti anno
apud Eparchiam Processus Informativus
celebratus est. Itinere canonico expleto, die
VII mensis Aprilis anno MCMLXXXIV De-
cretum super virtutibus a Reverendo
Patre Chavara more heroum exercitas
promulgatum est. Beatificationis dein

respectu mira subiecta est asserta sanatio, quam Medicorum Collegium Congregationis de Causis Sanctorum die VIII mensis Novembris anno MCMLXXXIV inexplicabilem secundum hodiernam scientiam medicam fuisse affirmavit. Die XXVIII mensis Februarii a. MCMLXXXV Congressus Peculiaris Consultorum Theologorum prospero cum exitu hanc sanationem Venerabilis Servi Dei Cyriaci Eliae Chavara intercessioni tribuit ac, die VII insequentis mensis Maii, Sessio Ordinaria Patrum Cardinalium et Episcoporum de miraculo divinitus patrato constare confirmavit. Summus Pontifex Sanctus Ioannes Paulus II Decretum super miraculo die VIII mensis Maii anno MCMLXXXV publici iuris fieri disposuit eumque die VIII mensis Februarii anno MCMLXXXVI, in celeberrima visitatione ad urbem vulgo Kottayam in Kerala patrata, sollempni

ritu, cui Ipse praefuit, in numerum Beatorum rettulit. Canonizationis respectu, nova exhibita est mira asserta sanatio, quae die XVI mensis Octobris anno MM-VIII cecidit. Episcopus Eparchialis Palaiensis, Excellentissimus Dominus Iosephus Kallarangatt, Inquisitionem Dioecesanam instruxit anno MMXI celebratam. Et Medicorum Collegium Congregationis de Causis Sanctorum die XVI mensis Septembris anno MMXIII hanc sanctionem inexplicabilem secundum hodiernam scientiam medicam fuisse affirmavit, quam vero die X mensis Decembris eodem anno Congressus Peculiaris Consultorum Theologorum et die XVIII mensis Martii anno MMXIV Sessio Ordinaria Patrum Cardinalium et Episcoporum verum esse miraculum intercessioni Beati Cyriaci Eliae a Sancta Familia Chavara tribuendum censuerunt. Nosmet Ipsi concessi-

mus, ut Congregatio de Causis Sancto-
rum Decretum super miraculo die III men-
sis Aprilis eodē anno promulgaret at-
que in Concistorio diei XII insequentis
mensis Junii statuimus, proinde, ut ritus
Canonizationis die XXIII mensis Novem-
bris aūno MMXIV, in sollemnitate Domi-
ni Nostri Jesu Christi Universorum Re-
gis, perageretur. Hodie igitur in Foro an-
te Basilicam Papalem Sancti Petri in
Urbe, infra Missarum sollemnia hanc
pronuntiavimus formulam: Ad ho-
norem sanctae et individuae Trini-
tatis, ad exaltationem fidei catholi-
cae et vitae christianae incrementum,
auctoritate Domini nostri Jesu Chri-
sti, beatorum Apostolorum Petri
et Pauli ac Nostra, matura delibe-
ratione praehabita et divina ope-
saepius implorata, ac de plurimorum
Fratrum Nostrorum cōsilio, Bea-

tos Joannem & Antonium Tarina,
Cyriacum Eliam a Sancta Fami-
lia Chavara, Ludovicum a Casau-
rea, & Nicolaum a Longobardis, Eu-
phrasiam a Sacro Cordé et Ama-
tum Ronconi Sanctos esse decerni-
mus et definimus ac Sanctorum
Catalogo adscribimus, statuantes
eos in universa Ecclesia inter Sanc-
tos pia devotione recolí debere. In
nómine Patris et Filii et Spiritus
Sancti. Clarus ipse ductor fuit atque
Ecclesiae societatisque instaurator, qui
admodum in Ecclesiam in Kerala spiri-
tualiter renovandam valuit ac summo-
pere praecavit, ne communitas christifi-
delium ad tentationem separationis pro-
cumberet, tamquam verus pastor anima-
rum ille, quem Deus, fidelium lumen, in
Ecclesia posuit, ut oves suas verbo pasce-
ret et informaret exemplo, cuius interces-

sione nobis detur et fidem servare, quam verbo docuit, et viam sequi, quam exemplo monstravit. Quae autem his Litteris decrevimus, nunc et in posterum rata et firma esse volumus, contrariis quibuslibet rebus minime obstantibus. Datum Romae, apud Sanctum Petrum, die XXIII mensis Novembris, anno Domini bismillesimo decimo quarto, Pontificatus Nostri secundo.



Ego Franciscus
Catholicae Ecclesiae Episcopus

Marcellus Rossetti, prot. apost.